



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De probis serius. cap. xcix.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

crit, & germen eorum quasi puluis ascendet. Abiecerunt enim legem Domini exercituum, & eloquium sancti Israël blasphemauerunt. Væ qui condunt leges iniquas, & scribentes iniustitiam scripserunt: vt opprimerent in iudicio pauperes, & vim facerent causæ humilium populi mei: vt essent viduæ præda eorum, & pupillos diriperent. Quid facietis in die visitationis, & calamitatis de longè venientis? Ad cuius auxilium confugietis? & vbi derelinquetis gloriam vestram? Quid vos iniuria afficitis populum meum, & faciem pauperum confunditis? Væ qui dicitis bonum malum, & malum bonum, ponentes lucem tenebras, & tenebras lucem.

Hier. 1.5. In manibus tuis inuentus est sanguis animarum innocentum. Causam viduæ non iudicarunt, causam pupilli non direxerunt, & iudicium pauperum non iudicauerunt. Nunquid super his non visitabo, dicit Dominus? aut super gentem huiusmodi non vlsciscetur anima mea? Oculi eorū non boni, nec corda eorum recta: sed ad auaritiam, & ad effundendum sanguinem innoxium, & ad calumniā, & iniustitiam, & ad cædem faciendam. Humiliaisti sublimem, & exaltaisti humilem. Iniustitiam hanc reputabo, dicit Dominus.

Ezech. 22. Principes eius in medio eius quasi lupi rapiētes prædam, ad effundendum sanguinem, & auarè lucra sectanda. Prophetæ autem eius liniebant eos absque temperamento. Inter sanctum & inter prophanum non habuerunt distantiam, & inter pollutum & mundum non intellexerunt. Animæ populi mei deprauatæ sunt, & capiebant animas eorum. Et violabant me ad populum meum propter pugillum hordei, & fragmen panis, vt interficerēt animas quæ non moriuntur, & viuificarent animas quæ non viuunt.

Sap. 6. Iudicium durū in his qui præsumunt fieri: fortioribꝰ autē fortior instat cruciatio.

Eccli. 20. Xenia & dona excæcant oculos iudicum.

Rom. 2. Inexcusabilis es, ô homo, qui iudicas. In quo enim alterum accusas, te ipsum condemnas. Scimus autem, quia iudicium Dei est in veritate aduersus omnes qui talia agunt. Putas autem quòd tu effugies iudicium Dei?

Basilii. Qui veram iustitiam in animo suo antè insidentem non habet, sed aut pecuniis corruptus est, aut amicitia fauet, aut inimicum vlsciscitur, aut potentia & autoritate commouetur, iudicium dirigere non potest. Ad quem Psalmista dicturus est, Si verè utique iustitiam loquimini, rectè iudicate filij hominum.

Na. 2. Hoc plerisque iudicibus hac tempestate accidere videmus, vt sublimibus viris magna flagitia promptius condonent, quam minima humilibus & abiectis.

Iust. A. pol. ad Anton. Extrema est miseria, non robori suo, verum aliorum imbecillitati confidere.

Cyriillus. Idem possunt principes, qui opinionè veritati anteposunt, quod prædones in solitudine, Voluptatis potius quam virtutis amatores extiterunt, segnitieque & inertia torpuerunt, nec imperij decus à reprehensione liberum conseruarunt.

Nilus. Forensia studia variis peccatis subministrant, innumera videlicet patrocinijs, qui iniuriam alijs inferunt, nanciscentes.

Chrys. Et in principes, & in iudices, accuratissime inquiretur. Atque cognoscetur, an ius corruerint, an vel gratia ducti, vel odio commoti, litigantibus sententiam tulerint: an verborum illecebris deliniti, remissiores, quam oportebat fuerint, an maleuolo animo atque ultionis cupido, ijs qui nihil sceleris admiserant, calumnias struxerint.

Iniquus index contaminata est conscientia.

DE PROBIS SERVIS. CAP. XCIX.

Pro. 17.14



ERVS prudens dominabitur stultis dominis. Serua sapienti prosperi erunt actus: & dirigetur via eius. Sapientes serui dominis mutuabunt. Dulcis est somnus serui, siue parum, siue multum comedat.

Non

A Non lædas seruum in veritate operantem, neque mercenarium dantem animam suam. Seruus sensatus sit tibi dilectus quasi anima tua: non defraudes illum libertate. Seruo sensato liberi seruiunt. *Ecli. 7.*

Serui, obedite dominis vestris secundum carnem, cum timore & tremore, in simplicitate cordis vestri, tanquam Christo, non ad oculum seruientes, tanquam hominibus placentes, sed tanquam serui Christi, facientes voluntatem Dei ex animo, cum beneuolentia seruientes, sicut Domino & non homini: sciētes quod vnusquisque quod fecerit bonū, hoc recipiet à Domino, siue seruus, siue liber. *Eph. 6.*

Serui, obedite dominis vestris secundum carnem, non ad oculum seruientes, tanquam hominibus placentes, sed in simplicitate cordis, timentes Dominum. *Col. 3.*

B Quodcunque facitis, ex animo facite, tanquam Domino & non homini: scientes quoniam à Domino accipietis retributionem.

Quicumque sub iugo sunt serui, dominos suos omni honore dignos arbitrentur, ne nomen Dei & doctrina blasphemetur. Qui autem fideles habent dominos, non contemnant quia fratres sunt, sed magis seruiant quia fideles sunt, qui beneficij participes sunt. *1. Tim. 6.*

Serui, subditi estote in omni timore dominis vestris, non tantū bonis & moderatis, sed etiam dyscolis. Hæc enim est gratia apud Deum, si propter conscientiam Dei sustinet quis tristitias, patiens iniuste. *1. Pet. 2.*

C *Serui quid autem, maxime qui sunt pij?
Heris amice seruiant illi suis.
Seruos herosque vita sola factitat.
Seruiuit: at nos Christus exemit iugo.*

*Na. in
Ter.*

DE MALIS SERVIS. CAP. C.



SERVVS durus sermonibus non eruditur. Quamuis enim intellexerit, non tamen obediēt. *Pro. 29.*

Cibaria & virga & onus asino: panis & disciplina & opus seruo. Operatur in disciplina, & quærit requiē: laxa illi manus, & quærit libertatem. Iugum & lorum curuāt collum durū: & seruum inclināt operationes assiduæ. Seruo maleuolo tortura & compedes: mitte illum in operationem, ne vacet. Multam enim malitiam docuit otiositas. *Ecli. 33.*

Serui improbi ne verearis latera cruentare.

*Malorum seruorum est herile imperium reijcere, atque aduersus dominationem insurgere, eumque qui liber est, in eundem secum seruilem ordinem redigere.
Nullus ita insanit, vt seruus, qui domina aduersari non veretur.*

Na.

Philo.

DE MOROSIS. CAP. CI.



VÆ qui nullis sermonibus delectantur.

Cui assimilabo homines generationis huius? Similes sunt pueris in foro sedentibus, & alloquentibus se inuicem, ac dicentibus: Cantauimus vobis, & non saltastis: plorauimus, & non fleuistis. Venit enim Ioannes Baptista, neque manducans neque bibens: & dicunt, Dæmonium habet. Venit filius hominis manducans & bibens, & dicunt, Ecce homo vorax & potator vini, amicus publicanorum & peccatorum. *Amos. 7.
Luc. 7.*